

麗水縣志卷十二

麗水縣知縣蒙化張銑纂

列女

范蔚宗傳列女云搜次才行尤高秀者不必專任一操竊謂女德亦衡其操持耳其他才智姑未遑問也綴緝舊聞益以新獲比而書之孤芳勁節增耀閨闈我丈夫也當何如哉

宋

孫氏高溪葉日興妻年十八日興卒矢志撫孤晚歲子欲請旌孫曰婦人守志常經耳而請旌是因夫死以收名也汝能修德以光吾門幸矣遂寢年八十二而卒

陳氏姜綬妻綬死靖康之難陳年二十三家貧父母欲奪其志陳斷髮自誓人以為忠臣節婦萃於一門

郭氏東陽人給事中王信妻既嫁以母疾歸侍母私之曰我有白金百斤藏東樓下用遺汝矣母卒郭語其二妹恣取之舅沒營葬地既成約有媪橫索財信怒郭笑拔金釵與之信嫁其女弟郭推奩具為佐無靳色信教授永嘉以民請往賑饑疫家衆

謂疫易染泥之郭獨勸其行信使金僉以虜驕橫
危之郭慷慨送之曰君命不可辱幸勉力無爲憶
家也信嘗語郭曰若辭金一節士大夫所難若先
我死書此銘若墓矣疾亟遺命薄殮速葬慶元二
年卒

葉氏梁錯妻錯登第未仕而卒葉年二十七營葬畢
爲穴冢旁以自誓教子有方推餘貲以周貧乏

湯潤字妙光葉珂妻葉氏世顯珂負奇恥席祖父勢
欲以才自達單騎走京師謁貴人有陳司徒者薦
之矣旋病卒潤年纔十八屏遠脂澤青燈寒幌數

麗水縣志

卷之十二

列女

二

十年如一日部使者索某行縣廉知貞狀趣州縣
具文書吏以年未五十援例辭索曰有婦玉潔如
此乃欲拘例耶卽爲覆按以次上中書旌其閭復
之終身初珂北上子士徽未晬士綸猶在娠六閱
月始生後士綸由金華教諭補吏七閩漕府移浙
中有廉名

季氏張本妻少寡勤儉守節年七十餘有司申達旌
其家

陳氏王伯良妻夫早喪煢居無玷年八十餘有司申
明旌其門

陶氏葉原英妻年二十六夫亡家貧孝養舅姑教子成立

姜氏陳某妻姜繹女夫亡食貧養子子長事母至孝嘉泰中郡聞於朝詔旌其門賜粟帛

梅氏葉光妻少寡元祐中郡守胡宗質增創州學梅助錢二千緡又賣珠冠得五百緡建義學於鄉延名士葉端仁爲師授經

元

徐淑宋鄉貢進士林江妻事姑周氏以孝聞元至元中棄家避兵江方緡其子定老走中飛矢而沒淑

麗水縣志

卷之十二 列女

三

奉姑挾媵間行蹤跡之遇遊騎幾不免會有神助得脫偶過澤畔媵愕曰兒在耶視之則定老也腹以去兵退而還家已燬與姑僦敗屋以居或以其年少勸之行淑指定老泣曰林氏無此子鬼且不血食吾行安之人義之不敢復言定老後登進士官新州守淑封龍泉縣君定老之幼也貧甚且多病架閣潘弼方貴盛獨奇之欲妻以女長女辭次女妙真曰惟父命耳遂以妻之荆釵練裳如窶人嘗割股以瘳姑疾子若孫皆賢達詳定老傳

尹氏薛震惠妻夫亡時年二十七有男女四人皆幼

家貧甚姑憐其志勸之再適尹泣曰一身更二夫甯死不忍慟幾絕自是奉姑愈謹撫子女各成立郡守立坊以表之葉現尹氏旌節坊銘易繇從一詩誓靡他煢煢未亡傷如之何兒齒未亂姑鬢已皤含辛茹荼行道涕沓百年冰霜一節金石貞標上聞有責其室爲善必報惠迪斯吉峩峩高闕過者其式

周氏善才字洪氏未嫁元末隨母避兵甘泉寨寨破被掠兵欲汙之堅拒受刃死時年十八

鄭氏朱益之妻年二十六而寡姑老病偃臥累年視湯藥惟謹至元二年郡表於朝旌其門

陳妙珍父爲神祠祝史蚤死母他適依大母林氏以

麗水縣志 卷之十二 列女 四

居林嬰末疾妙珍割股雜淖糜以進疾遂瘳或以告林林悲泣疾復作妙珍計無所出然香臂上稽顙籲天乞以身代不應夜夢神人來告曰剔肝食之則愈矣并指右脇示之覺而視脇有紅痕如縷割之了無所見妙珍懼復禱於神身俯而肝出亟雜竹萌烹以進疾頓失妙珍懲前事不敢泄然創甚幾殆復夢神語練紙作灰傳之而愈時年十四耳後三年林壽終妙珍棄家爲尼踐禱神時誓言也後永嘉高明爲郡錄事以聞詔旌其居曰孝節庵月給粟養之終身金華宋濂爲作陳孝女碑

葉氏陳程妻元末避兵於風山聞城破自度不免起
更衣母問何爲曰死耳母驚曰如舅姑子女何葉
曰豈不欲生恐取辱耳遂觸厓死

王氏南雄守葉現妻至正二十年避兵白巖兵抄掠
日甚自度不免遂自經現女兒瑗嫁青田潘雍適
歸甯與王偕行事亟投巖下死其媵新葵亦從死

案葉瑗嫁青田不應入麗乘以其
死節時地與王氏同故牽連書之

邱孟貞處州教授吳世昌妻幼恬靜儉素非令節不
御紈綺旣歸吳夫有女兒嫁期迫而服器未備孟

貞挈所有助之子就學與羣從同處家塾孟貞羞

麗水縣志

卷之十二

列女

五

服如一見者莫辨其親疎至正丙申歲大歉省食
以賑族嫻人尤以爲難焉

明

王妙真周世英妻父辟爲縣吏偶有戚容妙真叩之
父曰吾所掌獄案欲生一死者不得耳妙真曰何
不棄之繹書史爲樂耶父大悟卽日揖上官去瀕
嫁父置環珥鞶帨之屬甚備妙真出示二女弟恣
所取旣嫁舅姑娣姒交口賢之宋濂爲周賢母傳
尤美其能成父志并稱其子茂有文學政事云

毛氏葉叔寶妻年二十八而寡生二子長希文三歲

次希道甫六月孀居二十七年勤事紡績以奉舅姑葬祭盡禮洪武二年旌

何氏朱彥祥妻年二十四而寡事姑撫子閱二十餘年洪武十八年旌

林氏葉仲餘妻年二十三夫亡孝於姑葬祭盡禮洪武二十七年旌孀居二十四年矣

張氏楊遂卿妻年二十四生一女夫亡姑憐其孤苦命再適張泣血誓不他食洪武二十三年旌

常氏徐心甫妻年十九夫亡孝養舅姑撫遺腹子紹宗有成孀居五十八年洪武初旌

麗水縣志

卷之十二

列女

六

章氏梁彥廣妻年二十七而寡事姑教子誓不再嫁洪武三十年旌

戴氏鄭季濂妻年二十四夫亡無子奉姑三十餘年洪武間表其門

齊氏葉庭桂妻年二十四而寡成化中卒青田陳中州爲之贊曰操履安固欣戚不形

陳氏谷得與妻景泰間山賊陶得二黨掠鄉村陳年二十二與隣婦同避巖穴爲賊所得欲犯之隣婦不敢拒陳憤罵不從賊脅以刃罵愈厲賊怒殺之賊去人斂其骸葬之名其地爲烈婦嶺

黃氏陳孟吉妻年二十二夫亡黃娠已三月夫兄利其產欲嫁之黃誓死靡他及子生教之成立以壽終

周氏薛寵妻年二十三夫亡撫育遺孤誓無他志事舅姑尤以孝聞

葉氏余巖妻歸半載夫亡葉年十八生遺腹子壽孀居五十五年而卒

陳氏何彥統妻夫亡子相繼殤孀居六十年而終朱氏劉永紳妻永紳家貧朱鬻妝資奉舅姑無吝色

越數載夫亡堅志守節以終

麗水縣志

卷之十二 列女

劉氏王漢永妻年二十四夫亡夫病時思瓜不得劉終身不忍食瓜後有司旌其閭

姚氏葉鑑妻二十五歲夫亡遺孤甫兩月紡績奉姑撫子成立郡守張紘復其家

陳氏謝幼教妻年二十三夫亡子一夔生甫三月教之成立卒年七十五

季氏俞炅妻年二十五夫亡寡居五十六年有司旌其門

梁氏葉壽輦妻年二十八守節無子以姪為嗣家貧紡績為生正德中卒年八十一

齊氏葉武昇妻年二十八而寡正德間有司旌其門
徐氏葉楚妻未婚楚凶問至徐年十八號慟乞奔喪
至則服衰麻誓死不二寡言慎動未嘗一出閫外
嘉靖二十七年侍御裴紳以聞詔建貞孝坊歲給
粟帛葉楚續處州府志作
葉楚今從采訪冊
葉氏廩生趙子忠妻嘉靖戊子子忠赴鄉試卒於邸
舍葉年十九誓以死守舉遺腹子承仁旋天氏持
節彌堅嘉靖四十四年旌

徐氏吳堯行妻年二十四夫歿苦節以終嘉靖間縣
令劉表其門

麗水縣志

卷之十二

列女

八

宋氏葉璵妻年二十而寡家貧子幼有勸之改適者
氏執不可年六十餘嘉靖中卒

葉氏吳朝昇妻年二十四夫歿勵志守節始終不渝
嘉靖三十六年縣令以貞潔表其門

奚氏生員王萃妻孝事舅姑出於至誠姑病籲天割
股願以身代後姑患風痺不能轉側奚手承不潔
者數年里老白有司扁其門曰賢孝歲給粟帛終
其身

林氏進士王葑妻葑以毀卒於墓廬林食貧訓其二
子竝以學行著聲督學晉江洪啓睿以孝節旌其

門年八十餘卒

胡氏生員盧鏞妻能詩善畫鏞雖弃裔安貧好學與胡甚相得鏞早世胡繪像寢室歲時陳飲食相對哽咽嘗有詩云昨夜三更夢仲宣沈疴依舊未曾痊醒來覓得刀圭藥封裹憑誰寄九泉未幾亦卒齊氏葉賜妻未婚賜以痘殤齊年十八聞訃奔喪誓不他適父母迎之歸欲奪其志齊潛縊於室遇救得甦家貧紡績度日以壽終

魏氏武生奚世恩妻年二十四夫亡子紹元尙在襁褓魏奉姑撫子艱辛萬狀子長襲千戶魏年八十

麗水縣志

卷之十二 列女

九

而終

陳氏應襲指揮武生何仁妻甫嫁而夫病未幾遂死陳足不踰榻目不窺戶年九十乃卒當道以聞詔旌其門

戈氏千戶郭朝恩妻年二十四夫亡舅姑復相繼歿氏經營喪葬罔不盡禮矢志撫孤迄於成立凡三十餘年而卒

陳氏都督僉事李一山側室一山五十餘娶郭氏生子承勛甫五歲而一山沒陳氏撫承勛恩逾已出承勳襲職赴京師訛傳其死耗陳氏哭之幾失明

比承勛專闢陳氏已前卒承勛痛不及養爲特置墓田勒石矢之曰李氏中絕之運非母不能翼太夫人以保其孤春秋祭享有不與太夫人同者是忘孤并忘李氏也

張氏衛人孫良佐妻年十七而嫁越二載夫亡家貧緝糶度日事舅姑撫遺腹子艱苦備嘗當道以賢節旌其閭免其子踐更壽八十而終

陳氏衛鎮撫張國棟妻國棟襲職以名檢自飭未幾病沒子漢傑尙幼陳織紉自給矢志不二漢傑青年力學中天啓七年舉人

麗水縣志

卷之十二

列女

十

楊氏胡鼎元妻鼎元故衛軍恒駕運艘於外楊善事其姑崇禎六年七月訛傳鼎元死於盜楊聞墮樓觸階而死

潘氏楊機妻機早卒氏矢志靡他崇禎十一年縣令朱璣表其門

孫氏紀維新妻年二十四而寡崇禎十四年卒年六十

陳氏吳鎖妻鎖亡子大科尙在襁褓陳矢志撫孤旣長娶詹氏未三載大科卒詹氏年十八艱難撫遺腹子娶妻矣夫婦竝天兩世孀居無後聞者傷之

王氏生員劉士驥妻年十七從父官陽江遇海盜王
恐被污自投於水盜去覓之衣挂舵牙不死十九
適士驥越五載士驥亡家酷貧紡績以字子女萬
歷三十七年山水斗發幾滅頂忽一大木漂至抱
之而浮閱一晝夜竟以免咸以爲神助云

謝氏生員何棟妻王氏生員何松妻謝二十四而夫
亡王十九而夫亡俱無子妯娌孀居和洽織紉度
日事翁竝以孝稱

王氏衛人陳口口妻父與鄉里稱松園先生者也氏
幼漸家訓貞靜自愛適陳未久而夫亡子思較猶

麗水縣志

卷之十二 列女

十一

在襁褓稍長衛弁迫令駕運傾貲以免遂酷貧而
貞操彌勵鄉族賢之

胡氏生員阮承歡妻承歡卒時子國梁方六歲胡撫
孤不嫁既長娶媳陳氏而國梁又故遺腹子隆修
姑媳偕撫之後隆修爲諸生有聲

董氏生員張國本妻國本早亡家貧董紡績以奉翁
姑喪葬無失禮苦節五十載而卒子張翼諸生以
優行稱

季氏生員董德新妻早寡守志五十餘年而歿二子
國是國成竝諸生

陳氏指揮續孔教妻姑久病剖股四十九處以救之
舅有寵婢與陳隙以珠蘭根和藥脫姑髮詭言陳
進姑恨甚髡陳髮而逐之姑死舅廉知剖股事并
得婢陷害狀欲置之死陳力請宥之浙中底定孔
教以殷頑誅陳聞不食而死

楊氏錢中選妻

國朝

張氏百戶甯世忠妻方國安潰兵至世忠父子俱被
掠繫氏投懷中女於井遂自溺時六月也閱兩月
世忠歸出其屍顏如生

麗水縣志

卷之十二

列女

五

趙氏謝俊陞妻方國安潰兵擾楫避於獅子山兵且
至俊陞曰事亟矣奈何趙厲聲曰死耳兵至抱二
歲子墮厓死年十八越日迹之則子蹲母腹索乳
初無恙也

葉氏張科妻方國安潰兵至科父子俱被繫葉抱週
歲女自沈於池

奚氏貢生陳昌蔭妻避兵於風山寨寨破投坑而死
吳氏廩生陳所學妻所學有文行早卒吳矢志靡他
避兵於風山寨寨破兵強負以趨吳嚙其肩兵負
痛釋手遂奪兵刃自刎死

楊氏王朝聖妻避兵高溪源後大竹山兵至衆驚散
楊投山下死

楊氏衛人何如忠妻年十八夫亡撫遺腹子大鎮得
襲職明崇禎間大鎮以漕運卒於京楊撫其孤孫
以老焉

徐氏廩生江一夔妻年二十夫亡事姑撫子咸中禮
節

王民生員梁盾祥妻年二十餘夫亡家貧資紡績以
事姑子用中以明經入國學

麗水縣志
卷之十二
列女
三
葉氏祝忠仁妻夫亡家貧苦節以字其孤葉之未字
也曾割右股療母疾至是姑疾割左股療之論者
謂無忝節孝云

梁氏高應魁妻年二十五夫亡梁事舅姑撫孤子外
人罕覩其面有貴室耳其賢欲娶之遣人通意梁
責以大義聞者愧沮卒年七十一

陳氏吳志孟妻夫亡時年二十餘撫孤堅守壽七十
餘而卒子奇標明經

盧氏監生陳學周妻夫亡時年二十餘堅守勿貳教
子有成卒年七十一

劉氏武生聶維新妻年二十二而寡家貧紡績度日

卒年八十三

文氏詹文壁妻夫亡饗殮不給姑憐之欲其再醮氏剪髮自誓日夜紡績以奉姑撫子年七十餘而卒耿氏劉湯臣妻嫁二月而夫亡年十八無子矢志不貳有富豪慕其賢欲娶之終莫能強

劉氏李希堯妻年二十二夫亡無子家貧事舅姑育穉女孤苦以終守節三十九年

黃氏廩生辜存素妻早寡撫育子女備嘗荼苦年七十三而卒守節五十年

周氏劉仁顯妻縣卒金鳳強污之周大呼得免含忿

麗水縣志

卷之十二

列女

古

投繯死有司坐鳳法周以烈旌康熙四十五年事

范氏十五都碧湖人幼喪父母瞽范誓不嫁以紡績

養母母死厝柩於家供奉如生時年七十九而終

葉氏陳正禮妻年二十八夫亡子顯祖娶張氏舉一

子而卒姑婦竝矢清操督學彭旌其門曰雙節

何氏生員張帷妻年二十餘夫亡舅歿於嘉興逆旅

何間關奔赴扶柩歸葬事姑撫子苦節三十年而

終

金氏廩生梁天晉妻年二十八夫亡矢志撫其子子

長而娶夫婦相繼歿金悲痛得疾以卒

高氏廩生張世澤妻年二十六夫歿紡績度日善訓其子爲名諸生年六十而卒

王氏何霏妻年二十五夫亡無子以夫兄子爲後子旋卒更後其族子零丁孤苦卒年六十餘

孫氏張獻臣妻年二十二夫死守志撫孤康熙十三年避亂卒於山塢子岑扶柩歸葬

梁氏生員楊世藩妻世藩死無子梁欲以身殉姑阻之不果後得危疾堅不藥語姑曰得死楊氏門幸矣遂卒

葉氏生員吳日高妻年二十六夫亡子乙纔週歲旣

麗水縣志

卷之十二

列女

五

長而娶方抱孫乙死婦姑同守皆以節旌

余氏郡增生朱定海妻年二十四夫亡無子姑早卒

翁八十餘動止需人氏事之無不至嗣子童昏氏訓戒良苦幸保其先業云卒年五十九

王氏生員陳天經妻年二十四夫亡守節五十三歲卒飲冰茹蘖者三十年

耿氏陳際乾妻年二十六夫亡遺孤鴻祖生甫七閱月氏撫訓兼至後爲諸生

葉氏陳璧妻康熙五十八年氏年二十八而寡翁八十餘臥病四載日侍湯藥不倦子大訓大奎以詩

禮二經著聲

趙氏名天助字湯姓未嫁而湯卒氏易服赴弔遂留
養其姑姑死還依其母紡績自給乾隆初沒知縣
冷模書柏舟遺操額表其門

詹氏生員王承吉妻雍正十年夫亡氏年十九撫孤
萬齡爲諸生乾隆三十七年卒年五十九

呂氏葉光妻夫亡矢節有被以穢言者憤而自盡乾
隆初知縣高登科爲之請旌

周氏楊聚星妻年二十四夫亡無子絕粒者數日姑
婉諭之始進水漿繼子佩環甫二歲稍長訓以義

麗水縣志

卷之十二

列女

六

方補諸生姑病衣不解帶者數月比沒哀毀如喪
夫卒年九十四

章氏王正源妻嘉慶八年氏年二十四歸王甫十月
而夫亡視殮畢投繯以殉

方氏生員何學濂妻乾隆五十三年夫亡時年二十
八現年八十六守節五十八年矣

李氏高順金妻屬歸甯惡少江某調之氏怒詈江脅
以刃傷手氏大呼江逸去氏泣曰吾乃爲不肖所
辱卽日還夫家投繯死嘉慶二十四年五月事也
縣令廉得之置江於法

應氏謝茂華妻年二十六夫亡守節道光四年子國恩呈請旌表

梁氏生員王國治妻國治隨父廈門參將任會林爽文亂臺灣國治佐理軍務積勞而卒氏方奉姑赴閩中途聞變恐戚其姑節哀茹痛以往至閩踰歲而舅卒氏復奉姑扶柩回里姑遂病廢肢不能舉氏晝夜在視積歲未嘗言勞氏年二十四而寡六十四而卒道光五年也子尚忠諸生以學行重於鄉

朱氏龔承賢妻李氏承賢子起業妻一門雙節

麗水縣志

卷之十二

列女

七

陳氏張鼎瑞妻年二十九夫亡現年六十九

湯氏廩生許義繼妻嘉慶十八年夫亡氏年二十卒年五十二

周氏魏庭濬妻嘉慶二十五年夫亡氏年二十五無子以姪攀桂為嗣事舅姑以孝聞現年五十一

梁氏生員吳國鎮妻

徐氏生員王運灝妻

江氏生員徐廣妻

徐氏生員劉朝選妻

高氏生員葉春芬妻

彭氏醫學陳大堯妻

林氏金之瑜妻

黃氏生員馮三策妻

楊氏廩生章正柱妻

吳氏生員林應會妻

徐氏生員吳名馨妻

林氏劉衷欣妻

陳氏褚應斗妻

孫氏劉作孚妻

俞氏生員徐國光妻

麗水縣志

卷之十二 列女

六

朱氏生員王光大妻

茹氏鮑志學妻

王氏贈奉直大夫錢桐妻

顧氏周在洧妻

梁氏葉葆幹妻

鮑氏翁日照側室

以上已旌

潘氏花街何肩桂妻康熙八年夫亡氏年二十二雍

正六年卒年八十一守節六十年

倪氏下隩生員徐日超妻康熙二十年夫亡氏年二

十四無子悲不自勝越五日嘔血數升而死

徐氏小井方盛志妻康熙三十七年夫亡氏年二十七四子諸孫先後爲諸生知府鄭勲扁其門日葵照芹輝乾隆二十八年卒年九十一

周氏蘆村朱嘉俊妻康熙四十三年夫亡氏年三十乾隆二十四年卒年八十五守節五十六年知縣陳誥給扁獎之

魏氏石侯生員梁聘美妻康熙四十七年夫亡氏年二十九遺孤甫週歲後爲諸生乾隆二十二年氏卒年七十八守節五十年

麗水縣志

卷之十二

列女

十九

程氏資福生員陳又蕃妻康熙四十八年夫亡氏年三十家貧甚苦節彌堅凡四十年乾隆二十六年卒年六十九子北樞爲諸生

何氏九龍葉亨仁妻康熙五十四年夫亡氏年二十五乾隆七年卒年五十二守節二十八年

任氏碧湖葉枝藩妻康熙五十八年夫亡氏年二十九家故貧又遭火幾無以爲生氏晝夜紡績以字其子子成立欲請旌於有司氏力止之乾隆四十年卒年八十五守節五十七年

孫氏泉鍾徐宗輔妻康熙五十九年夫亡氏年二十

二乾隆五十三年卒年九十守節六十九年

紀氏九龍葉亨禮妻雍正元年夫亡氏年二十二乾

隆三十七年卒年七十一守節四十九年梁氏亨

禮子利錦妻乾隆十三年夫亡氏年二十九三十

六年卒年五十四守節二十六年王氏利錦子貞

醇妻乾隆三十九年夫亡氏年二十九嘉慶二十

四年卒年七十四守節四十六年

季氏周前村陳安德妻康熙五十年夫亡氏年二十

二乾隆二十五年卒年七十一守節五十年知縣

陳謹表其門

麗水縣志

卷之十二

列女

三

周氏鳳山前張繼純妻乾隆四年夫亡氏年二十九

乾隆四十七年卒年七十二守節四十四年

葉氏下章劉世官妻乾隆四年夫亡氏年二十六四

十一年卒年六十三守節三十八年

童氏前田生員朱之正妻乾隆五年夫亡氏年三十

訓二子燦烈竝為諸生乾隆二十四年卒年四十

九守節二十年縣令陳謹表其門

鄭氏梅田周道興妻乾隆八年夫亡氏年二十四遺

孤甫週歲氏事姑以孝遇夫兄弟皆有禮嘉慶九

年卒年八十五守節五十二年

張氏周巷周仁德妻乾隆八年夫亡氏年二十七五十九年卒年七十八守節五十二年

常氏下隩徐士培妻乾隆七年夫亡氏年二十二奉姑育子以孝慈稱四十二年卒年七十八守節五十七年

陳氏利阬生員紀留魁妻乾隆十年夫亡氏年二十三六十年卒年七十三守節五十一年

湯氏碧湖薛士龍妻乾隆十二年夫亡氏年二十四子甫提抱而家酷貧矢志不嫁夫兄士梁鑒其誠以田二十畝贍之五十五年卒年六十七守節四

麗水縣志

卷之十二

列女

三

十四年

李氏根竹園周禮坤妻乾隆十三年夫亡氏年二十四嘉慶十五年卒年八十六守節六十三年

葉氏碧湖王宏中妻乾隆十四年夫亡氏年二十七五十九年卒年七十二守節四十六年

張氏城內俞盛祿妻乾隆十五年夫亡氏年二十八先是氏有小姑嫁潘姓夫亡無子氏白舅姑迎養之有疎屬妯娌嫠而貧氏招與同居青燈共績罔有怨咨子少長訓之嚴不令耽逸樂嘉慶三年卒年七十六守節四十九年

梁氏蘆灣朱肇桂妻乾隆十八年夫亡氏年二十三歲遺腹生一女翁姑以家貧無後憐其荼苦欲嫁之氏以死自誓年七十而卒守節四十八年

朱氏青林王萬齡妻乾隆二十年夫亡氏年二十四五十八年卒年六十二守節三十九年

余氏庫頭朱緝祖妻乾隆二十一年夫亡氏年二十三毀容截髮足不踰梱事舅姑益謹姑再亡兩事繼姑皆稱其孝訓嗣子不爲姑息諸孫旣長旦夕視膳不輕假以詞色所謂至靜而德方者與年八十而卒守節五十八年

麗水縣志

卷之十二

列女

三

戴氏茗河鄭浩妻乾隆二十一年夫亡氏年二十四嘉慶二十五年卒年八十八守節六十五年

梁氏樟塘陳炳耀妻乾隆二十二年夫亡氏年二十四嘉慶十一年卒年六十九守節四十六年

沈氏滴水巖陳大金妻乾隆二十二年夫亡氏年二十二嘉慶二十五年卒年八十四守節六十三年

陳氏紀店葉兆開妻乾隆二十七年夫亡氏年二十二嘉慶十七年卒年七十二守節五十一年

葉氏卽其周繼文妻乾隆二十四年夫亡氏年二十六嘉慶二十二年卒年八十四守節五十九年

齊氏魏村生員魏祚珏妻乾隆二十五年夫亡氏年二十五疏布終身不御執綺而周其族黨無有吝色五十四年卒年五十四守節三十年

徐氏小井方懋中妻乾隆二十六年夫亡氏年二十二無子以姪爲嗣父母欲奪其志不可女紅以外躬親園圃僅乃自給道光四年卒年八十一守節五十九年里人詠之曰敝衣蒙曉霧衰髯櫛寒風蓋紀實也

章氏城內生員王配京妻乾隆二十六年夫亡氏年二十八嘉慶十九年卒年八十守節五十三年子

麗水縣志

卷之十二

列女

三

成洛娶武氏乾隆四十五年成洛死武氏年二十七道光十八年卒年八十五守節五十九年

袁氏沈村生員葉廷楷妻乾隆二十六年夫亡氏年三十教二子高揚高掖俱爲諸生乾隆四十一年卒年四十五守節十六年

李氏多姪嶺東李成瓊第四女幼不茹葷血及笄將字人氏前陳曰弟幼諸姊已嫁誰侍父母者請緩之逮父母沒繡像懸壁間朝夕進膳如生時遂不字乾隆三十四年卒年五十今所繡像尙存也

張氏武村武雲龍妻乾隆二十七年夫亡氏年十七

無子或憫其貧勸之嫁氏曰爲二姓婦甯餓死耳
資紡績度日嗣子早亡撫孤成立道光元年卒年
七十六守節五十六年

李氏滴水巖周德聖妻乾隆二十七年夫亡氏年二
十七事舅姑愉婉承志詬誶之聲不及婢媪閭里
罕見其面嘉慶十一年卒年七十一守節四十五
年

陳氏石牛項起龍妻乾隆二十八年夫亡氏年二十
九嘉慶十三年卒年七十四守節四十六年

何氏梅田周永坤妻乾隆二十八年夫亡氏年二十
三嘉慶十七年卒年七十二守節五十年

葉氏郎其周王都妻乾隆二十九年夫亡氏年二十
無子撫嗣子成立嘉慶二十三年卒年七十四守
節五十五年

王氏鳳山前監生張序璣妻乾隆四十五年夫亡氏
年二十五撫遺腹子成立道光十九年卒年八十
四守節六十年

周氏小安楊佩炎妻乾隆三十一年夫亡氏年三十
無子父母憫其孤苦欲嫁之氏曰辱身以辱父母
不忍也以姪爲嗣嘉慶二十年卒年七十九守節

五十年

潘氏下隩周繼侯妻乾隆三十一年夫亡氏年二十
三嘉慶十六年卒年六十二守節四十年

李氏下隩徐士紉妻乾隆三十一年夫亡氏年二十
四無子舅衰老姑盲無見氏事之曲當其意嗣子
蔚文爲諸生有名道光二年卒年八十守節五十
七年

端木氏黃塘窰李廷秀妻乾隆三十一年夫亡氏年
二十五道光五年卒年八十四守節六十年

鄭氏城內閻英妻乾隆三十一年夫亡氏年二十七
嘉慶六年卒年六十二守節三十六年

葉氏魏村生員魏祚鈞妻乾隆三十一年夫亡氏年
三十嘉慶二年卒年六十一守節三十一年

金氏河邊王炳山妻乾隆三十二年夫亡氏年二十
六嘉慶二十五年卒年七十九守節五十四年

邵氏石牛項起英妻乾隆三十四年夫亡氏年三十
道光七年卒年八十八守節五十九年

周氏滴水巖陳兆棟妻乾隆三十四年夫亡氏年三
十嘉慶五年卒年六十一守節三十二年

趙氏九龍陳金太妻乾隆三十一年夫亡氏年二十

八嘉慶十三年卒年七十守節四十三年

劉氏蘆灣朱光炳妻乾隆三十二年夫亡氏年二十
無子以姪爲嗣道光十一年卒年六十一守節四
十年

葉氏鈞溪何雲海妻乾隆三十九年夫亡氏年三十
道光二十四年卒年一百歲守節七十一年

趙氏陳溱項時貴妻乾隆三十八年夫亡氏年二十
七道光二十一年卒年七十守節四十四年

王氏西溪李全亨妻乾隆三十八年夫亡氏年三十
撫二孤成立長國學生次縣學生道光六年卒年

麗水縣志

卷之十二

列女

三

八十三守節五十四年

端木氏泉鍾徐聖炳妻乾隆三十八年夫亡氏年二
十四道光四年卒年七十五守節五十二年

吳氏河頭陳大倫妻乾隆三十八年夫亡氏年二十
一道光二十五年卒年九十三守節七十三年

吳氏庫頭朱元隆妻乾隆三十九年夫亡氏年二十
四無子夫弟三人相繼沒翁姑悲痛欲死氏百方

慰解雖一室飲泣相對未嘗有戚容以姪爲嗣慈
嚴中節嫁一女衣裙皆手製也道光十三年卒年

八十三守節六十年

張氏蘆濟生員朱肇壘妻乾隆四十年夫亡氏年二十八嘉慶十二年卒年六十守節三十三年

余氏樟塘王邦華妻乾隆四十年夫亡氏年二十八家貧姑老藉十指以養子一恒約其食以奉姑嘉慶元年卒年四十九守節二十二年

張氏陳蔡劉善裕妻乾隆四十年夫亡氏年三十家故小康顧無翁姑伯叔氏內撫遺孤外支門戶皆能持大體隣媪多困乏稱貸罔不應嘉慶十二年卒年六十二守節三十三年

章氏城內增生楊履謙妻乾隆四十一年夫亡氏年

麗水縣志

卷之十二 列女

七

三十事舅姑謹訓子嚴子洵早歲爲諸生道光四年卒年七十八守節四十九年

金氏鳳山前監生張賢羣妻乾隆四十一年夫亡氏年二十四道光元年卒年六十九守節四十六年

項氏趙村潘蔡球妻乾隆四十一年夫亡氏年二十九家無宿儲常忍飢作苦夜無燈火爇香映微光以績道光九年卒年八十二守節五十四年

楊氏白巖王俊妻乾隆四十一年夫亡氏年二十五道光十四年卒年八十三守節五十九年

周氏鳳山前張序基妻乾隆四十三年夫亡氏年三

十嘉慶二十一年卒年六十八守節三十九年

何氏朱衡朱景科妻乾隆四十三年夫亡氏年十九
道光十年卒年七十一守節五十三年

葉氏石侯梁昭德妻乾隆四十二年夫亡氏年二十
八家業凋殘翁老病不能謀食氏常令二穉子掃
敗葉供爨而躬勤紡績以佐甘旨翁沒附棺附體
罔弗周備道光十一年卒年八十二守節五十五
年

劉氏城內張上飛妻乾隆四十二年夫亡氏年二十
九道光三年卒年七十五守節四十七年

麗水縣志

卷之十二 列女

三

陳氏紀店葉英妻乾隆四十三年夫亡氏年二十九
道光三年卒年七十四守節四十六年

俞氏新亭孫禮廣妻乾隆四十三年夫亡氏年二十
八道光六年卒年七十六守節四十九年

湯氏碧湖王錫田妻乾隆四十四年夫亡氏年二十
九道光八年卒年七十八守節五十年

黃氏魏村魏祚純妻乾隆四十五年夫亡氏年二十
八道光十三年卒年八十一守節四十四年

曹氏梅田監生周德昌妻乾隆四十六年夫亡氏年
三十嘉慶十七年卒年六十一守節三十二年

孫氏泉鍾生員葉時榮妻乾隆四十六年夫亡氏年二十九道光十五年卒年八十三守節五十五年知縣黎應南表其門

葉氏白巖吳大忠妻乾隆四十六年夫亡氏年二十四嘉慶十一年卒年五十九守節三十六年

鄭氏五都鄭仁豪之長女字九龍葉丙爲妻未婚而丙卒女聞之遂自經年二十四時乾隆四十五年也

梁氏高溪葉盛龍妻乾隆四十七年夫亡氏年二十六嘉慶十二年卒年五十二守節三十六年

麗水縣志

卷之十二

列女

五

鄭氏水閣王允德妻乾隆四十七年夫亡氏年二十二道光十三年卒年七十三守節五十二年署處州府事范思敬爲之傳子萬年妻葉氏嘉慶二年夫亡氏年二十三十二年卒年三十三守節十一年

張氏桐嶺劉必成妻乾隆四十七年夫亡氏年二十八子女各一相繼殤以姪爲嗣道光七年卒年七十三守節四十七年

李氏梅田周繼幹妻乾隆四十八年夫亡氏年二十二道光十二年卒年七十一守節五十年

楊氏河東葉惟榮妻乾隆四十九年夫亡氏年二十
七道光六年卒年六十九守節四十三年

謝氏鳳山前張序幹妻乾隆四十九年夫亡氏年二
十九無子以姪爲嗣家貧翁年八十餘氏事之無
失禮道光十八年卒年八十四守節五十六年

梁氏城內生員王經治妻乾隆五十六年夫亡氏年
二十八舅姑皆衰邁資紡績以養既沒喪葬咸盡
禮嘉慶二十一年卒年五十三守節二十六年

潘氏水東楊日銘妻乾隆五十年夫亡氏年二十八
方懷妊禱於神曰天不絕楊氏俾有兒否且從死

麗水縣志

卷之十二

列女

三

耳旋舉一子道光四年卒年六十六守節三十九
年

葉氏寶定呂義泗妻乾隆五十年夫亡氏年二十四
無子以姪爲嗣後爲諸生道光十三年卒年七十
二守節四十九年

周氏鳳山前張序廷妻乾隆五十一年夫亡氏年二
十五嘉慶二十五年卒年五十九守節三十五年
張氏郎其生員周柱妻乾隆五十一年夫亡氏年二
十一姑有篤疾日夜侍湯藥不倦道光六年卒年
六十一守節四十一年

黃氏碧湖增生呂德忠妻乾隆五十一年夫亡氏年二十九撫三子亦誠亦謨亦謙皆爲諸生有名嘉慶九年卒年四十七守節一十九年

張氏後街生員葉楚妻乾隆五十一年夫亡氏年二十六嘉慶二十一年卒年五十六守節三十一年
陳氏城內生員謝宗善妻乾隆五十一年夫亡氏年二十八無子以姪君和嗣後爲諸生道光二十六年卒年八十八守節六十年

王氏下園武生葉步雲妻乾隆五十三年夫亡氏年二十二現年八十守節五十九年矣

麗水縣志

卷之十二

列女

三

周氏城內生員何學涵妻乾隆五十四年夫亡氏年二十四嘉慶十八年卒年四十八守節二十五年
子雲錦妻王氏嘉慶十七年夫亡氏年二十五道光三年卒年三十六守節十二年

婁氏石侯蘇何妹妻乾隆五十四年夫亡氏年二十九有子三人皆教以務本節用故雖貧咸能自立現年八十六守節五十八年矣

項氏後街監生葉麟瑞繼妻乾隆五十五年夫亡氏年二十六嘉慶十四年卒年四十四守節一十九年

李氏張山后生員周曰庠妻乾隆五十六年夫亡氏年二十一一家故貧氏奉翁姑撫遺腹子心力俱瘁現年七十六守節五十六年矣

王氏城內生員褚芳蕙妻乾隆五十五年夫亡氏年三十舅姑俱垂暮氏奉養惟謹暇則躬親操作子三人少長皆令執一藝性沈默同室罕聞其笑語現年八十六守節五十七年矣

谷氏下概頭生員吳銓妻乾隆五十五年夫亡氏年二十訓子廷璠爲諸生現年七十六守節五十七年矣

麗水縣志

卷之十二 列女

三

梁氏郎其周成美妻乾隆五十五年夫亡氏年二十九道光三年卒年六十二守節三十五年嘉慶間知縣鄒世榮表其門

葉氏關嶺江亨繼妻乾隆五十五年夫亡氏年二十四無子以姪利源爲嗣嘉慶十七年利源死妻呂氏亦年二十四無子兩世孀居食貧茹苦道光元年葉氏卒年五十五守節三十二年呂氏現年五十八守節三十五年矣

周氏阮里翁開聖妻乾隆五十五年夫亡氏年二十九嘉慶二十五年卒年五十九守節三十一年

徐氏小井方懋恩妻乾隆五十五年夫亡氏年二十八夫兄弟利其改嫁屢迫之氏持斧斫庭柱曰若視柱創合吾當嫁耳布衣蔬食足跡未嘗踰戶限道光六年卒年六十四守節三十七年

何氏周巷周啓發妻乾隆五十六年夫亡氏年二十五道光十三年卒年六十七守節四十三年

章氏後街生員葉如芬妻乾隆五十六年夫亡氏年二十八嘉慶十八年卒年五十守節二十三年

謝氏城內鄭廷幹妻乾隆五十六年夫亡氏年三十無子以姪蘭爲嗣道光十七年卒年七十六守節

麗水縣志

卷之十二

列女

三

四十七年

宋氏泉鍾徐君薦妻乾隆五十六年夫亡氏年二十一道光十七年卒年六十七守節四十七年

李氏張山后生員周文恒妻乾隆五十七年夫亡氏年二十三遺腹舉一子或以其貧勸再適氏泣然曰死骨未寒棄其翁姑幼穉而轉事他人尙得謂有人心乎矢死不二現年七十七守節五十五年矣

陳氏碧湖葉亨達妻乾隆五十七年夫亡氏年二十五翁姑垂暮氏婉婉承顏婦修子職子長課之如

嚴師故三子皆厲名檢道光八年卒年六十一守節三十七年

李氏陳山沈正茂妻乾隆五十七年夫亡氏年二十五道光二十年卒年七十三守節四十九年

李氏庫頭朱鶴翬妻乾隆四十八年夫亡氏年十八翁老病子方在抱適歲凶氏採蕨充食而以紡織資易米爲養卒年七十二守節五十五年

周氏庫頭生員朱景松妻乾隆五十九年夫亡氏年二十撫遺腹子成立現年七十二守節五十三年矣

麗水縣志

卷之十二

列女

三

何氏河邊王春茂妻乾隆五十九年夫亡氏年二十四子繼殤子身苦志現年七十六守節五十三年矣

姚氏徐岸張振梁妻乾隆六十年夫亡氏年二十二道光二十五年卒年七十二守節五十一年

何氏進娟小安何奇盛女幼聰穎知書有求婚者父母欲許之女請曰弟幼吾又他適誰奉父母者吾且依膝下耳父母旣沒遂不字以老春秋享祀哀慕如始喪焉嘉慶十六年教授張作楠扁其宅曰撒環終養

聶氏碧湖葉秉忠妻嘉慶元年夫亡氏年十九現年七十守節五十一年矣

程氏寶定張佐文妻嘉慶元年夫亡氏年二十六無子以姪爲嗣現年七十六守節五十二年矣

吳氏石牛蔡仁寶妻嘉慶元年夫亡氏年十九現年六十九守節五十一年矣

葉氏白河生員詹廷幹妻嘉慶三年夫亡氏年二十九現年七十六守節四十八年矣

徐氏河邊葉亨濟妻嘉慶三年夫亡氏年二十五道光三年卒年五十守節二十六年

麗水縣志

卷之十二

列女

三

張氏阮里監生翁開儒妻嘉慶三年夫亡氏年三十現年七十八守節四十九年矣子國賓諸生娶何氏道光五年國賓卒何氏年二十九遺孤二復相繼殤氏奉姑厲節終無他志現年五十守節二十二年矣

項氏水東潘日培妻嘉慶四年夫亡氏年二十八道光十五年卒年六十四守節三十七年

趙氏里河吳國榮妻嘉慶五年夫亡氏年二十九道光二十五年卒年七十四守節四十六年

張氏周堡周海潮妻嘉慶五年夫亡氏年二十七撫

二子成立現年七十三守節四十七矣

趙氏碧湖生員王忱妻嘉慶六年夫亡氏年三十撫
二子憲文綺文均爲諸生現年七十五守節四十
六年矣

徐氏城內連金富妻嘉慶六年夫亡氏年二十九家
故貧事舅姑治喪葬益以困一子旣娶而天婦再
醮去單子一身形影相弔荼苦之況斯爲甚焉現
年七十四守節四十六年矣

李氏下圩王紹謨妻嘉慶七年夫亡氏年二十九道
光十八年卒年六十五守節三十七年

麗水縣志

卷之十二 列女

三

孫氏白口張俊山妻嘉慶七年夫亡氏年二十三現
年六十八守節四十六年矣

盧氏龕潭陳發昌妻嘉慶七年夫亡氏年二十四道
光二十五年卒年六十七守節四十四年

鮑氏梅田周炳旦妻嘉慶八年夫亡氏年二十四現
年六十七守節四十四年矣

葉氏趙村趙馬光妻嘉慶八年夫亡氏年二十六現
年六十九守節四十四年矣

程氏任村任啓潮妻嘉慶十二年夫亡氏年三十無
子現年六十九歲守節四十年矣

陳氏城內何雲衢妻嘉慶十二年夫亡氏年二十一
家無隔宿糧日夜勤女紅撫遺腹子子旣壯忽嬰
心疾氏鬱鬱而沒子亦旋死苦節三十年卒不能
延其祀聞者傷之

周氏阮里翁國材妻嘉慶十二年夫亡氏年三十道
光二十五年卒年六十八守節三十九年

葉氏城內張賢舉妻葉故宦裔而張貧小姑且嫁妝
資猝不得具氏卽以所有佐之嘉慶十二年賢舉
卒氏年二十九事姑益謹恒典質以奉旨甘姑微
察之詭曰孀居無復用釵珥逕售之耳衣裳故在

麗水縣志

卷之十二

列女

七

笥也會隣火起勢將及氏促姑率子女走避姑呼
與俱氏曰男女雜糅中衢甯與室同燼耳無何四
隣皆焦土而氏屋竟無恙道光二十三年卒年六
十五

葉氏下章劉積中妻嘉慶十二年夫亡氏年二十四
現年六十三守節四十年矣

紀氏上莊楊起聰妻嘉慶十二年夫亡氏年二十五
無子現年六十四守節四十年矣

任氏郎其生員吳國英妻嘉慶十二年夫亡氏年二
十四現年六十三守節四十年矣

陳氏沙溪生員葉惟桐妻嘉慶十三年夫亡氏年二十九撫遺腹子成立現年六十七守節三十九年矣

鄒氏城內監生許學純妻嘉慶十三年夫亡氏年二十八無子夫兄弟四已異財氏以姪爲嗣與姑共居間燠寒奉甘旨必當所欲姑壽至九十四乃終氏現年六十六守節三十九年矣

李氏下源徐盛作妻嘉慶十三年夫亡氏年二十九現年六十七守節三十九年矣

麗水縣志
卷之十二
列女
三
王氏城內貢生何雲照妻嘉慶十三年夫亡氏年二十七撫孤玉墀成立爲諸生現年六十五守節三十九年矣

應氏城內張鯉妻嘉慶十三年夫亡氏年二十四道光二十四年卒年六十守節三十七年

魏氏里河吳嘉讚妻嘉慶十四年夫亡氏年二十七現年六十四守節三十八年矣

賴氏水東嚴廷鼐妻嘉慶十四年夫亡氏年二十六現年六十三守節三十八年矣

李氏桑溪桑裕剛妻嘉慶十四年夫亡氏年二十三生產纔自給而夫弟五人俱未婚氏經營勞瘁與

遺腹子竝以次授室現年六十守節三十八年矣
徐氏梅田周炳南妻嘉慶十五年夫亡氏年十九無
子夫弟尙幼慈之如母藉以成立現年五十五守
節三十七年矣

何氏下隲周松德妻嘉慶十五年夫亡氏年二十九
道光九年卒年四十八歲守節二十年

鄭氏南溪魏培瑞妻嘉慶十六年夫亡氏年二十七
道光四年卒年四十二歲守節一十六年

李氏沙溪陳心源妻嘉慶十六年夫亡氏年二十五
現年六十歲守節三十六年矣

麗水縣志

卷之十二

列女

三

楊氏盧村許鍾義妻嘉慶十六年夫亡氏年二十五
現年六十守節三十六年矣

呂氏河邊王秉綱妻嘉慶十七年夫亡氏年二十七
現年六十一守節三十五年矣

周氏里河生員吳琳妻嘉慶十七年夫亡氏年二十
九教子恂爲諸生現年六十二守節三十四年矣

徐氏梅田周炳盛妻嘉慶十八年夫亡氏年二十撫
遺腹子成立現年五十三守節三十四年矣

吳氏太平王聖順妻嘉慶十八年夫亡氏年二十五
無子食貧自守貞操彌堅現年五十八守節三十

十四年矣

鄭氏水閣孫連山妻嘉慶十八年夫亡氏年二十五
道光十二年卒年四十四守節二十年

葉氏缸窰生員李輝墀妻嘉慶十八年夫亡氏年二
十道光四年卒年三十一守節一十二年

何氏關嶺江亭函妻嘉慶十八年夫亡氏年二十七
撫子女畢婚嫁且抱孫矣二子相繼逝兩媳依之
不去現年六十守節三十四年矣

湯氏下莊葉中魁妻嘉慶十八年夫亡氏年二十二
無子以姪爲嗣現年五十五守節三十四年矣

麗水縣志

卷之十二

列女

卑

余氏城內顧紹成妻嘉慶十九年夫亡氏年二十四
其家自舅姑以下男婦幾百口氏遇之各中禮節
無何子殤夫兄弟竝析居乃長齋小樓雖至戚不
輒見現年五十六守節三十三年矣

朱氏下圩鄭松正妻嘉慶二十年夫亡氏年二十九
現年六十守節三十二年矣

鄭氏張村張木水妻嘉慶二十年夫亡氏年二十現
年五十一守節三十二年矣

葉氏蘇步周金德妻嘉慶二十一年夫亡氏年二十
三現年五十三守節三十一年矣

李氏庫頭朱林樸妻嘉慶二十一年夫亡氏年二十
六現年五十六守節三十一年矣

徐氏白峯陳煥奎妻嘉慶二十一年夫亡氏年二十
六現年五十六守節三十一年矣

謝氏均溪何憶辰妻嘉慶二十一年夫亡氏年二十
一無子以姪爲嗣現年五十一守節三十一年矣
周氏在城趙陽培妻嘉慶二十一年夫亡氏年二十
六貧無食或至飲水卒撫成其孤現年五十六守
節三十一年矣

俞氏在城陳汝玉妻嘉慶二十一年夫亡氏年三十
現年六十守節三十一年矣

麗水縣志

卷之十二

列女

聖

何氏陳寮劉文榮妻嘉慶二十一年夫亡氏年二十
二奉姑不嫁現年五十二守節三十一年矣

劉氏河邊王金梅妻嘉慶二十二年夫亡氏年二十
一舅姑前卒而王姑篤老扶持抑搔惟氏伊賴旣
沒喪葬皆盡禮以姪爲嗣撫之成立現年五十守
節三十年矣

謝氏餘嶺張學美妻嘉慶二十二年夫亡氏年二十
九現年五十八守節三十年矣

陳氏新謝謝松定妻嘉慶二十三年夫亡氏年二十

八現年五十六守節二十九年矣

徐氏下園葉茂枝妻嘉慶二十三年夫亡氏年二十
三現年五十一守節二十九年矣

王氏鳳山前張賢書繼妻嘉慶二十三年夫亡氏年
二十七撫前室子如已出現年五十五守節二十
九年矣

朱氏武村武學益妻嘉慶二十四年夫亡氏年二十
九現年五十六守節二十八年矣

任氏任村程金喜妻嘉慶二十四年夫亡氏年三十
現年五十七守節二十八年矣

麗水縣志

卷之十二

列女

聖

李氏阮里武生翁開初妻嘉慶二十五年夫亡氏年
三十現年五十六守節二十七年矣

鄒氏小安楊世位妻嘉慶二十五年夫亡氏年二十
五子女相繼殤氏苦心壹志事王姑及姑曲當其
意道光十九年卒年四十四守節二十年

許氏阮口張文魁妻道光元年夫亡氏年二十五現
年五十守節二十六年矣

朱氏箬溪葉維翰妻道光元年夫亡氏年二十七現
年五十二守節二十六年矣

杜氏阜樹陳洲琳妻道光二年夫亡氏年二十七現

年五十一守節二十五年矣

沈氏碧湖湯庭槐妻道光二年夫亡氏年二十八家貧甚以粗糲字子女而曲謀甘旨以奉姑現年五十二守節二十五年矣

張氏下張俞士梁妻道光三年夫亡氏年二十九現年五十二守節二十四年矣

吳氏張村街黃明言妻道光三年夫亡氏年三十無子現年五十三守節二十四年矣

魏氏碧湖生員沈士鼇妻道光三年夫亡氏年二十九現年五十二守節二十四年矣

麗水縣志

卷之十二

列女

三

葉氏碧湖雷紀全妻道光五年夫亡氏年三十現年五十一守節二十二年矣

湯氏河邊金金有才妻道光五年夫亡氏年二十八現年五十守節二十三年矣

顏氏路岡楊顧海妻道光五年夫亡氏年二十九現年五十守節二十二年矣

黃氏前山陳庭樟妻道光五年夫亡氏年三十現年五十一歲守節二十二年矣

呂氏小山呂成仁女字李甲爲妻及笄李貧不能娶告絕於呂遂自亡也父母欲改字氏斷髮自誓曰

不歸李依膝下以終耳年六十而卒

魏氏城內監生譚學淳妻勤於婦事事舅尤謹甘旨必躬親乃進不以任臧獲道光七年學淳以瘵亡氏年二十四一子尙纏綿日者謂其薄祿宜事佛以邀福氏曰不爲堂上祝遐齡而呱呱者是亟耶數年子殤舅亦繼歿氏病作不藥家人勸之氏曰前之不死以存孤也孤亡而舅存不宜死今復何待乎遂不食而卒年三十四距學淳之亡十年矣

以上道光二十六年彙詳請旌

葉氏梁應選妻夫亡守節五十一年壽七十六潘氏

麗水縣志

卷之十二

列女

四

梁應□妻年二十夫亡守節四十四年許氏梁應□妻年二十二夫亡守節四十二年張氏梁應箕妻年二十七夫亡守節三十三年人稱一門四節

雍正浙江通志潘氏許氏夫名續志俱作應星無從考訂故闕之

陳氏王振宗妻年十九夫亡矢志不渝卒年四十一女適錢泓早寡冰霜苦節有母氏風

郭氏生員余灝妻年十九夫亡無子攜一女依其母母死女嫁遂自盡

劉禹臣妻余氏

許成仁妻陳氏

梁氏四節至此並見浙江通志

王氏陳所懷妻雍正二年夫亡守節乾隆九年知府
鄭勲題節比松筠匾贈之

錢氏陳之挺妻夫亡守志之死靡他乾隆十一年知
府劉嵩齡表其門

周氏陳宗韶妻夫亡撫孤立節不移乾隆三十四年
知縣陳誼題志潔行芳額表之

孫氏徐道容妻年二十四而寡撫一子成立全節以
終

林氏徐居禮妻年二十二而寡仰事俯育終始不渝
其志

麗水縣志

卷之十二

列女

墨

王氏生員葉封唐妻年二十九而寡守節至五十一
歲而卒

梁氏陳仁發妻年二十六夫亡守節至七十六歲而
卒

魏氏教諭何棟繼妻翁疾甚羣醫束手一日藥進霍
然起咸以爲異而察氏一臂恒不舉視之創甚乃
知其曾刲股也

潘氏寶定生員梁高材妻道光十一年病亟子婦爲
易衽衣見臂癢訝之氏感然曰吾二十歲時父病
劇母攜弟妹相向泣吾計無復之曾告天刲股耳

然吾聞身體髮膚不可毀傷願汝曹勿效之也

楊氏小安生員楊開昌女年十二母沒哀慕如成人
越二年父病聞昔有割股療親事遂割右臂和藥
進病爲少瘥後歸西溪生員李生成

魏氏沙溪生員陳廣妻翁疾甚投藥罔效氏夜焚香
告天割股進之獲痊

以上據采訪冊以原無年號或無守節歲數故與
通志所載均附於後割股婦女四人并附見焉

金氏魏村廩生魏之陞妻康熙二十五年夫亡氏年
三十一守節三十九年而卒

趙氏魏村魏之都妻康熙三十年夫亡氏年三十一

麗水縣志

卷之十二

列女

哭

翁姑俱七十餘二孤幼氏操井臼營旨甘艱劬萬
狀始有薄田二畝老屋三楹後漸以裕年九十八
而卒孫曾皆爲諸生

劉氏滴水巖陳憲龍妻康熙四十二年夫亡氏年三
十四守節四十三年而卒

周氏阮里翁佛忠妻康熙五十二年夫亡氏年三十
五守節四十一年而卒

紀氏橫塘何宏妻康熙五十五年夫亡氏年三十五
守節四十二年而卒知縣藍衣經以節孝表其門

周氏蒲塘楊尙增妻雍正十三年夫亡氏年三十二

守節三十九年而卒

吳氏蒲塘王明德妻乾隆三年夫亡氏年三十一守節五十二年而卒

張氏下隩生員徐士鵬妻乾隆十一年夫亡氏年三十四孝養舅姑葬祭盡禮完節以終

葉氏高溪齊瑞龍妻乾隆十二年夫亡氏年三十一矢志撫孤知縣陳諍以賢節表其門

李氏下隩生員徐三才妻乾隆十二年夫亡氏年三十一矢志守節至九十七而卒

鄒氏下隩生員徐士瑗妻乾隆十七年夫亡氏年三十一

麗水縣志

卷之十二

列女

三

十五與妯娌張氏常氏共勵冰霜時稱一門三節卒年八十三

何氏下隩徐士珏妻乾隆十七年夫亡氏年三十二守節四十八年而卒

朱氏茗河鄭國豐妻乾隆二十三年夫亡氏年三十二守節四十二年而卒

楊氏城內顏德遜妻乾隆二十四年夫亡氏年三十四翁姑竝歿伯叔皆異居氏撫三子皆成立守節

四十八年而卒

毛氏關嶺江元靖妻乾隆二十六年夫亡氏年三十

二無子以姪爲嗣守節四十四年而卒

林氏水閣王錫義妻乾隆三十年夫亡氏年三十一
守節四十五年而卒

章氏城內蔡上進妻乾隆三十三年夫亡氏年三十
一守節五十四年而卒

梁氏茗河鄭國賢妻乾隆三十四年夫亡氏年三十
二守節二十年而卒

趙氏寶定呂鼇妻乾隆三十八年夫亡氏年三十五
守節四十九年而卒

麗水縣志
卷之十二 列女
吳

一守節十八年而卒

鄭氏南溪魏祚璵妻乾隆四十六年夫亡氏年三十
四守節二十七年而卒

賴氏二十六都艾光隆妻乾隆四十七年夫亡氏年
三十二守節十六年而卒

吳氏下嶺李毓海妻乾隆四十八年夫亡氏年三十
三無子二女幼家貧甚苦節以終

魏氏碧湖葉樸齋妻乾隆五十年夫亡氏年三十二
守節四十九年而卒

鄭氏白巖梁學涵妻乾隆五十一年夫亡氏年三十

一守節二十九年而卒

謝氏下隩徐發壽妻乾隆五十三年夫亡氏年三十
三守節三十九年而卒

符氏白巖梁學濱妻乾隆五十三年夫亡氏年三十
四守節三十三年而卒

吳氏魏村魏永靈妻乾隆五十六年夫亡氏年三十
一守節三十二年而卒

王氏均溪何雲標妻乾隆五十七年夫亡氏年三十
五守節四十三年而卒

谷氏新謝張仁華妻乾隆五十七年夫亡氏年三十
麗水縣志

卷之十二

列女

男

三守節五十三年而卒

王氏堰頭沈廷琪妻乾隆五十八年夫亡氏年三十
二無子以姪爲嗣守節三十九年卒

呂氏均溪何仍龍妻乾隆五十九年夫亡氏年三十
二守節四十三年而卒

張氏九龍紀書妻嘉慶元年夫亡氏年三十四守節
四十七年而卒

馮氏下隩徐正直妻嘉慶三年夫亡氏年三十五守
節三十年而卒

陳氏九龍紀廷佐妻嘉慶四年夫亡氏年三十二守

節四十八年而卒

葉氏郎其生員吳朝綱妻嘉慶五年夫亡氏年三十
三守節四十三年而卒

魏氏九龍葉貞醇妻嘉慶七年夫亡氏年三十二現
年七十六守節四十四年

翁氏梅田周志意妻嘉慶八年夫亡氏年三十三守
節十六年而卒

張氏陳寮劉啓順妻嘉慶十年夫亡氏年三十二現
年七十一守節四十年

魏氏均溪何憶才妻嘉慶十年夫亡氏年三十三現

麗水縣志

卷之十二

列女

五

年七十守節三十八年

劉氏魏村魏永滋妻嘉慶十年夫亡氏年三十四現
年七十四守節四十一年

王氏魏村生員魏永孚妻嘉慶十一年夫亡氏年三
十五道光十五年卒年六十四守節三十年

楊氏梅田周維仁妻嘉慶十二年夫亡氏年三十一
守節三十年而卒

常氏二十六都艾安仁妻嘉慶十四年夫亡氏年三
十二守節三十七年而卒

褚氏梅溪馮惟忠妻嘉慶十年夫亡氏年三十一現

年七十三守節四十三年

吳氏城內姚因裁妻嘉慶十二年夫亡氏年三十五
守節四十三年而卒

趙氏橋亭王繼光妻嘉慶十三年夫亡氏年三十四
現年七十二守節三十九年

章氏十八都生員葉蘭妻嘉慶十四年夫亡氏年三
十四姑以貧勸之嫁氏曰夫死而棄姑是重死吾
夫也堅不可現年七十姑猶存也

葉氏南山生員林斐經妻嘉慶十四年夫亡氏年三
十五現年七十二守節三十八年

麗水縣志

卷之十二

列女

至

葉氏碧湖徐宏泰妻嘉慶十四年夫亡氏年三十二
守節三十七年而卒

熊氏太平吳必進妻嘉慶十六年夫亡氏年三十二
守節六十九年而卒

葉氏張村戴君彩妻嘉慶十七年夫亡氏年三十一
現年六十五守節三十五年

潘氏城內顏玉成妻嘉慶十七年夫亡氏年三十二
無子守節十四年而卒

李氏西溪朱智玲妻嘉慶十七年夫亡氏年三十二
守節三十三年而卒

蔣氏在城黃裳妻嘉慶十九年夫亡氏年三十一現年六十四守節三十二年

鄭氏南溪魏永斌妻嘉慶十九年夫亡氏年三十三現年六十五守節三十三年

楊氏前山陳廷旺妻嘉慶二十年夫亡氏年三十一現年六十守節三十年

彭氏靠坑金葉瑞妻嘉慶二十一年夫亡氏年三十四現年六十三守節三十年

葉氏上黃生員王兆熊妻嘉慶二十一年夫亡氏年三十三撫二子有成現年六十三守節三十一年

麗水縣志

卷之十二

列女

五

葉氏均溪何仍達妻嘉慶二十二年夫亡氏年三十二現年六十一守節三十年

徐氏小溪謝禮開妻嘉慶二十三年夫亡氏年三十三現年六十守節二十九年

楊氏沙溪廩生葉文華妻嘉慶二十三年夫亡氏年三十三現年六十一守節二十九年

劉氏水東周必全妻嘉慶二十三年夫亡氏年三十三現年六十守節二十九年

劉氏南溪生員魏士鼈妻嘉慶二十五年夫亡氏年三十四現年六十守節二十七年

李氏盧村朱瑞榮妻嘉慶二十五年夫亡氏年三十
二現年五十九守節二十八年

龔氏隴崆吳發恒妻道光元年夫亡氏年三十三現
年五十八守節二十六年

張氏武村武紹周妻道光三年夫亡氏年三十一現
年五十四守節二十四年

劉氏嶺根周鈞鈴妻道光三年夫亡氏年三十四現
年五十四守節二十一年

樊氏曳山林開印妻道光三年夫亡氏年三十二現
年五十四守節二十三年

麗水縣志

卷之十二

列女

三

梁氏梅田周廷文妻道光七年夫亡氏年三十四撫
遺腹子有成現年五十三守節二十年

楊氏缸窰副貢董作模妻道光九年夫亡氏年三十
三現年五十守節十八年

王氏趙村何煥雲妻道光十三年夫亡氏年三十四
守節十一年而卒

以上節行可據未合旌例